



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

Humanæ salutis Monumenta, & Odæ variæ

Arias Montano, Benito

Antverpiæ, 1589

In tabulam Christi in Iordane baptizati. Ode Tricolos Tetrastrophos. XLIII.

urn:nbn:de:hbz:466:1-44973

Oblata non huic gloria commouet,
 Non durus ensis propositum graue;
 Id quippe monstrabat seueræ
 Frontis honosque habitusque vitæ.

LVCIS DIV CORVSCATIO.

Certa reducendis animis pereuntibus atque
 Clara via est, morum cum probitate fides.

SALVTIS NVNTIO GRAVISS. P.

In tabulam Christi in Iordane baptizati.

Ode Tricolos Tetraëstrophos. XLIII.

Quæ festa lux hæc, dicite montium
 Siluæ? quid alto gaudia personant
 Clamore ripes, quas imago
 Percipit, ingeminatque voces?

Quæ tanta præceps pennigerum genus
 Exercet alis cura micantibus,
 Cæli per oras atque acutis
 Cantibus instrepitare cogit?

Iam gestientis lætitiæ decus
 Quæ causa nuper proferat audio,
 Trini quod inspectanda terris
 Numinis emicuit potestas.

Hic nam nitenti lumine spiritus
 Delapsus alti culminibus poli
 Candentis aspectum columbæ
 Præbuit, auricomumque lumên.

Et vox ab æthra personuit Patris
 (Quam densa siluæ contremuit coma)
 Audita, præsentemque natum
 Dicere, & hunc populis magistrum.

Hunc, quem neque alti conscia numinis
 Natura nostrisque vltèrius modis
 Virtus refulgens administrum
 Esse hominum generi retardat.

Hic se minori subdidit hospiti
 Amne abluendum, purus & innocens,
 Nec ipse quamuis vsque compos,
 Id quod erat, tamen efferebat.

Illum stupenti fluminis alueo
 Gaudens Iarden suscipit, humidis
 Complexus vluis, & loquaci
 Murnure concelebrans salutat:
 Et quæ secundo perfluit agmine,
 Sacrata denso membra volumine
 Circundat hærens, & priorem
 Vnda sequens premit inuidendo.

MODESTIAE ORNAMENT.

Non decus ipse suum iactat natus; pater ipsi
 Adscribit: vera hæc gloria, nulla prior.

CHRISTO DEI FILIO PRO-
NUNCIATO S.

In tabulam Tentationis.

Ode Dicolos Distrophos. XLV.

Siluis in mediis agmina cælitum
 Cernebam famulas adproperantium
 Exercere vices, lætaque floridis
 Mensis fercula ponere.
 Dumque ipse insoliti contremo muneris
 Spectator ardens discere, maximæ
 Causam lætitiæ, cuique decus nouæ
 Cœnæ præniteat, rogo:
 Vnus pennigerum de iuuenum choro
 Scitanti hæc alacri pectore reddidit,
 Cui mox tota cohors per iuga montium
 Blandis accinuit modis:
 Hic index superum maximus excipit
 Natum Nazaridos virginis, & suum,
 Quem nunc tergemini gloria frondibus
 Victorem decorat sacrum.
 Hunc nec longa fames, resque nec aspera
 Monstrorum horribilis densa cubilibus,
 Non horror gelidæ noctis amabili
 Intentum alloquio ad patrem
 Turbavit: sed & hic sustinuit volens
 Vsq̄ inuictæ animo prælia, quæ feror
 Tentator solitis artibus ac dolis
 Audaci intulit impetu:

Qui